



სსიპ ბათუმის ოლქის  
სახელმწიფო უნივერსიტეტი

15 თებერვალი, 2024 წელი

ბრძანება № 01-10/10

ბსუ-ს იურიდიული დეპარტამენტის პერსონალის  
ძირითადი საკვალიფიკაციო მოთხოვნების დამტკიცების შესახებ

„უმაღლესი განათლების შესახებ“ საქართველოს კანონის 23-ე და 24-ე მუხლების, ბსუ-ს წესდების მე-15 მუხლის, „საქართველოს შრომის კოდექსის“ საქართველოს ორგანული კანონის, „საგანმანათლებლო დაწესებულებების ავტორიზაციის დებულებისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2010 წლის 1 ოქტომბრის N99/ნ ბრძანების (დანართი N3 - უმაღლესი საამინათლებლო დაწესებულების ავტორიზაციის სტანდარტები), ბსუ-ს პერსონალის მართვის პოლიტიკის (წარმომადგენლობითი საბჭოს გადაწყვეტილება N07-01/41, 08.09.2023წ.), ბსუ-ს შინაგანაწესის (წარმომადგენლობითი საბჭოს გადაწყვეტილება N02, 09.09.2011წ.), ბსუ-ს დამხმარე პერსონალის სამსახურში მიღების წესის (წარმომადგენლობითი საბჭოს გადაწყვეტილება N07-01/58, 24.12.2021წ.), „ბსუ-ს იურიდიული დეპარტამენტის დებულების“ (წარმომადგენლობითი საბჭოს გადაწყვეტილება N07-01/30, 04.07.2023წ.) და ბსუ-ს იურიდიული დეპარტამენტის უფროსის სამსახურებრივი ბარათის (N13/02/2024, MES 4 24 0000153653) საფუძველზე

ვ ბ რ ძ ა ნ ე ბ:

- დამტკიცდეს ბსუ-ს იურიდიული დეპარტამენტის პერსონალის ძირითადი საკვალიფიკაციო მოთხოვნები, წინამდებარე ბრძანების N1 დანართის შესაბამისად.
- ბრძანება გამოქვეყნდეს ბსუ-ს ვებგვერდზე (იურიდიულ ცნობარში და სტრუქტურული ერთეულების ველში).
- ბრძანება დაეგზავნოს ბსუ-ს რექტორის მოადგილეებს, ხარისხის უზრუნველყოფის სამსახურს, რექტორის აპარატს, იურიდიულ დეპარტამენტს, საქმისწარმოების სამსახურს (კანცელარია), საინფორმაციო ტექნოლოგიების სამსახურს, საზოგადოებასთან ურთიერთობის სამსახურს.
- ბრძანება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (ქ. ბათუმი, სტეფანე ზუბალაშვილის ქ. N30).

ადმინისტრაციის ხელმძღვანელი

მ. დიასამიძე

ბსუ-ს იურიდიული დეპარტამენტის პერსონალისათვის დადგენილი  
მირითადი საკვალიფიკაციო მოთხოვნები

1. წინამდებარე დოკუმენტი ადგენს საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის (შემდეგში - „უნივერსიტეტი“ ან „ბსუ“) დამხმარე სტრუქტურული ერთეულის - იურიდიულ დეპარტამენტის (შემდგომში - „დეპარტამენტის“) დამხმარე თანამდებობაზე დასაქმებისათვის მირითად საკვალიფიკაციო მოთხოვნებს.
2. ადმინისტრაციის ხელმძღვანელის ბრძანებით შეიძლება დეპარტამენტში დასაქმებისათვის განისაზღვროს დამატებითი საკვალიფიკაციო მოთხოვნები, საქართველოს კანონმდებლობის, ბსუ-ს პერსონალის მართვის პოლიტიკისა და ბსუ-ს დამხმარე პერსონალის სამსახურში მიღების წესის შესაბამისად.
3. დეპარტამენტის უფროსის მირითადი საკვალიფიკაციო მოთხოვნებია:
  - 3.1. განათლება: სამართლის მაგისტრის აკადემიური ხარისხი (ან მასთან გათანაბრებული ხარისხი/იურისტის კვალიფიკაცია);
  - 3.2. სამუშაო გამოცდილება: სპეციალობით მუშაობის არანაკლებ 5 წლის გამოცდილება, მათ შორის სტრუქტურული ერთეულის ხელმძღვანელ თანამდებობაზე მუშაობის არანაკლებ 2 წელი (ლპირატესობა მიენიჭება უმაღლეს საგანმანათლებლო დაწესებულებაში/უმაღლესი განათლების სისტემაში სპეციალობით მუშაობის გამოცდილებას ან/და მოსამართლის/ადვოკატის საკვალიფიკაციო გამოცდების ჩაბარების დამადასტურებელი სერტიფიკატის მქონე პირს).
  - 3.3. სამართლებრივი აქტების ცოდნა (საკონკურსო თემატიკა)/კომპეტენციები:
    - 3.3.1. საქართველოს კონსტიტუცია;
    - 3.3.2. საქართველოს ორგანული კანონი „საქართველოს შრომის კოდექსი“;
    - 3.3.3. საქართველოს ზოგადი ადმინისტრაციული კოდექსი;
    - 3.3.4. საქართველოს ადმინისტრაციული საპროცესო კოდექსი;
    - 3.3.5. საქართველოს სამოქალაქო კოდექსი;
    - 3.3.6. საქართველოს სამოქალაქო საპროცესო კოდექსი;
    - 3.3.7. საქართველოს კანონი „საჯარო სამართლის იურიდიული პირის შესახებ“;
    - 3.3.8. „პერსონალურ მონაცემთა დაცვის შესახებ“ საქართველოს კანონი;
    - 3.3.9. საქართველოს კანონი „პროფესიული განათლების შესახებ“;
    - 3.3.10. საქართველოს კანონი „უმაღლესი განათლების შესახებ“;
    - 3.3.11. საქართველოს კანონი „განათლების ხარისხის განვითარების შესახებ“;
    - 3.3.12. „საგანმანათლებლო დაწესებულებების ავტორიზაციის დებულებისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2010 წლის 1 ოქტომბრის №99/ნ ბრძანება;
    - 3.3.13. „საგანმანათლებლო დაწესებულებების საგანმანათლებლო პროგრამების აკრედიტაციის დებულებისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანება;

- 3.3.14. „ერთიანი ეროვნული გამოცდების ჩატარების დებულებისა და სახელმწიფო სასწავლო გრანტის განაწილების წესის დამტკიცების შესახებ“ საქართველოს განათლებისა და მეცნიერების მინისტრის 2011 წლის 18 თებერვლის №19/ნ ბრძანება;
- 3.3.15. „სამაგისტრო გამოცდების ჩატარების დებულებისა და სახელმწიფო სასწავლო სამაგისტრო გრანტის განაწილების წესის დამტკიცების შესახებ“ საქართველოს განათლებისა და მეცნიერების მინისტრის 2009 წლის 22 აპრილის №227 ბრძანება;
- 3.3.16. „უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2010 წლის 4 თებერვლის №10/ნ ბრძანება;
- 3.3.17. „უმაღლეს საგანმანათლებლო დაწესებულებაში ერთიანი ეროვნული გამოცდების/საერთო სამაგისტრო გამოცდების გავლის გარეშე სწავლის უფლების მქონე აბიტურიენტების/მაგისტრანტობის კანდიდატების/სტუდენტების მიერ დოკუმენტების წარდგენისა და განხილვის წესის დამტკიცების შესახებ“ საქართველოს განათლებისა და მეცნიერების მინისტრის 2011 წლის 29 დეკემბრის N224/ნ ბრძანება;
- 3.3.18. „საქართველოში გაცემული საგანმანათლებლო დოკუმენტების ნამდვილობის დადასტურებისა და უცხოეთში მიღებული განათლების აღიარების წესისა და საფასურების დამტკიცების შესახებ“ საქართველოს განათლებისა და მეცნიერების მინისტრის 2010 წლის 1 ოქტომბრის N98/ნ ბრძანება;
- 3.3.19. ბსუ-ს წესდება; ბსუ-ს ეთიკის კოდექსი; პერსონალის მართვის პოლიტიკა; ბსუ-ს შინაგანაწესი და საქმიანობის მარეგულირებელი სხვა რეგულაციების ცოდნა;

#### 3.4. ენები/უნარები:

- ა) ქართული ენის ცოდნა (წერა/მეტყველება) – C1 დონე;
- ბ) უცხო ენის ცოდნა: ინგლისური - არანაკლებ B1 დონე (სასურველია ინგლისური ენის B2 დონეზე ფლობა და სხვა უცხო ენის ცოდნაც);
- გ) საოფისე პროგრამების ცოდნა;
- დ) უნარები: პასუხისმგებლობა; ეფექტური კომუნიკაცია; პროცესების მართვის/ადმინისტრირების უნარი; ინფორმაციის/მონაცემთა შეგროვების, ლოგიკური და ანალიტიკური აზროვნების უნარი; გუნდური მუშაობა; დაგეგმვა, ვადებზე ორიენტირებულობა და ორგანიზებულობა.

#### 4. დეპარტამენტის მთავარი სპეციალისტის მირითადი საკვალიფიკაციო მოთხოვნებია:

- 4.1. განათლება: არანაკლებ სამართლის ბაკალავრის აკადემიური ხარისხი ან იურისტის კვალიფიკაცია;
- 4.2. სამუშაო გამოცდილება: სპეციალობით მუშაობის არანაკლებ 2 წლის გამოცდილება (უპირატესობა ენიჭება უმაღლეს საგანმანათლებლო დაწესებულებაში/უმაღლესი განათლების სისტემაში სპეციალობით მუშაობის ან ადვოკატად მუშაობის გამოცდილებას ან/და მოსამართლის/ადვოკატის საკვალიფიკაციო გამოცდების ჩაბარების დამადასტურებელი სერტიფიკატის მქონე პირს).

4.3. სამართლებრივი აქტების ცოდნა (საკონკურსო თემატიკა)/კომპეტენციები - წინამდებარე დოკუმენტის 3.3. ქვეპუნქტის თანახმად;

4.4. ენები/უნარები:

- ა) ქართული ენის ცოდნა (წერა/მეტყველება) – C1 დონე;
- ბ) უცხო ენის ცოდნა: სასურველია ინგლისური ენის B1 ან მაღალ დონეზე ფლობა ან/და სხვა უცხო ენების ცოდნა (უპირატესობა მიენიჭება);
- გ) საოფისე პროგრამების ცოდნა;
- დ) უნარები: პასუხისმგებლობა; ეფექტური კომუნიკაცია; ინფორმაციის/მონაცემთა შეგროვების, ლოგიკური და ანალიტიკური აზროვნების უნარი; გუნდური მუშაობა; ვადებზე ორიენტირებულობა და ორგანიზებულობა.

5. დეპარტამენტის წამყვანი სპეციალისტის მირითადი საკვალიფიკაციო მოთხოვნებია:

5.1. განათლება: არანაკლებ სამართლის ბაკალავრის აკადემიური ხარისხი;

5.2. სამუშაო გამოცდილება: მუშაობის არანაკლებ 1 წლის გამოცდილება (უპირატესობა ენიჭება უმაღლეს საგანმანათლებლო დაწესებულებაში/უმაღლესი განათლების სისტემაში სპეციალობით მუშაობის ან ადვოკატად მუშაობის გამოცდილებას ან/და მოსამართლის/ადვოკატის საკვალიფიკაციო გამოცდების ჩაბარების დამადასტურებელი სერტიფიკატის მქონე პირს).

5.3. სამართლებრივი აქტების ცოდნა (საკონკურსო თემატიკა)/კომპეტენციები:

5.3.1. საქართველოს კონსტიტუცია;

5.3.2. საქართველოს ზოგადი ადმინისტრაციული კოდექსი;

5.3.3. საქართველოს ადმინისტრაციული საპროცესო კოდექსი;

5.3.4. საქართველოს სამოქალაქო კოდექსი;

5.3.5. საქართველოს სამოქალაქო საპროცესო კოდექსი;

5.3.6. საქართველოს კანონი „პროცესიული განათლების შესახებ“;

5.3.7. საქართველოს კანონი „უმაღლესი განათლების შესახებ“;

5.3.8. საქართველოს კანონი „განათლების ხარისხის განვითარების შესახებ“;

5.3.9. ბსუ-ს წესდება; ბსუ-ს ეთიკის კოდექსი; პერსონალის მართვის პოლიტიკა; ბსუ-ს შინაგანაწესი და საქმიანობის მარეგულირებელი სხვა რეგულაციების ცოდნა;

5.4. ენები/უნარები:

ა) ქართული ენის ცოდნა (წერა/მეტყველება) – C1 დონე;

ბ) უცხო ენის ცოდნა: სასურველია ინგლისური ენის B1 ან მაღალ დონეზე ფლობა ან/და სხვა უცხო ენების ცოდნა (უპირატესობა მიენიჭება);

გ) საოფისე პროგრამების ცოდნა;

დ) უნარები: პასუხისმგებლობა; ეფექტური კომუნიკაცია; ინფორმაციის/მონაცემთა შეგროვების, ლოგიკური და ანალიტიკური აზროვნების უნარი; გუნდური მუშაობა; დაგეგმვა, ვადებზე ორიენტირებულობა და ორგანიზებულობა.